

Coordinación de  
Actividades Empresariais  
R.D. 171/2004, 30 de xaneiro



Confederación Intersindical Gelega  
GABINETE TÉCNICO DE SAÚDE LABORAL

## Capítulo I - definicións

### Centro de traballo:

Calquera área, edificada ou non, na que os traballadores deban permanecer ou á que deban acceder por razón do seu traballo.

### Empresario titular do centro de traballo:

A persoa que ten a capacidade de pór a disposición e xestionar o centro de traballo.

### Empresario principal:

O empresario que contrata ou subcontrata con outros a realización de obras e/ou servizos correspondentes á propia actividade de aquel que se desenvolven no seu propio centro de traballo.

### Propia actividade:

É aquela que de non contratarse (as obras e/ou servizos), estes debería realizalos o principal, inda prexudicando sensibelmente a súa actividade empresarial.

## Capítulo II - deber de cooperación

- ▶ Obrigatorio para empresas e autónomos concorrentes
- ▶ Información de riscos recíproca e anterior ó inicio dos traballos
- ▶ Información por escrito para riscos graves ou moi graves
- ▶ Comunicación de situacións de emerxencia
- ▶ Cada empresario informará ós seus traballadores

### Medios de coordinación

- ▶ Os empresarios concorrentes establecerán os medios de coordinación.
- ▶ Terase en conta o grao de perigosidade das actividades que se desenvolvan, número de traballadores e duración da concorrencia.

## Capítulo III - empresario titular

### Información

- ▶ Informar ós outros empresarios concorrentes dos riscos, medidas preventivas e medidas de emerxencia.
- ▶ Proporciona antes do inicio das actividades ou cambio nos riscos.
- ▶ Información por escrito no caso de riscos graves ou moi graves.
- ▶ Para obras de construción é o estudo de seguridade e saúde ou o estudo básico.

### Instrucións

- ▶ Recibida a información dos riscos, o empresario titular dará ao resto das empresas concorrentes as instrucións axeitadas para a prevención de riscos e as medidas de emerxencia.
- ▶ Daranse antes do inicio da actividade ou cando se dean cambios.
- ▶ Por escrito para riscos graves ou moi graves.
- ▶ En obras de construción serán as impartidas polo coordinador ou dirección facultativa.

## Capítulo IV - empresario principal

### Deber de vixilancia

- ▶ Ademais de cumprir o reflexado nos capítulos ii e iii deberá vixiar o cumprimento da normativa de prevención de riscos laborais por parte de contratistas e subcontratistas á súa propia actividade.
- ▶ Esixirá avaliación de riscos, planificación, formación, información.
- ▶ A empresa contratista esixirao así mesmo ós subcontratistas.
- ▶ Comprobará que contratistas e subcontratistas concorrentes no seu centro de traballo teñen establecido os medios de coordinación.

## Capítulo V - medios de coordinación

- Intercambio de información e comunicacións
- Celebración de reunións entre empresas concorrentes
- Reunións conxuntas de C.S.S.'s, reunións de empresarios con delegados de prevención
- Impartición de instrucións
- Establecemento conxunto de medidas de prevención
- Presencia no centro de recursos preventivos
- Designación de unha ou máis persoas encargadas da coordinación de actividades

### Determinación de medios

- ▶ Recibida a información dos riscos estableceranse os medios de coordinación pertinentes.
- ▶ Corresponde determinalos ó empresario titular ou no seu defecto, ó principal.
- ▶ Os medios deberán actualizarse cando non resulten adecuados.
- ▶ Cada empresario informará aos seus traballadores dos medios de coordinación establecidos.
- ▶ Cando os medios de coordinación sexa a presenza de recursos preventivos ou nomeamento dunha ou varias persoas, facilitaranse aos traballadores os datos precisos para a súa identificación.
- ▶ Os medios de coordinación para construción serán os establecidos no R.D. 1627/97. (Disposición adicional primeira)

### Designación encargados coordinación Cando concorran dúas ou máis das seguintes condicións

- ▶ Realicense por unha empresa actividades ou procesos considerados como perigosos.
- ▶ Exista dificultade para controlar as interaccións de actividades.
- ▶ Existan actividades incompatibles.
- ▶ Exista especial complexidade na coordinación (número empresas, traballadores, actividades, etc.).

### As persoas encargadas da coordinación serán nomeadas polo empresario titular e poderán ser:

- ▶ Un ou varios dos traballadores designados.
- ▶ Un ou varios membros do SPP da empresa titular ou das outras empresas.
- ▶ Un ou varios membros do SPA da empresa titular ou das outras empresas.
- ▶ Un ou varios traballadores con coñecementos e cualificación.
- ▶ Calquera outro traballador da empresa titular (xerarquía e funcións técnicas).
- ▶ Empresas de coordinación.

## Capítulo VI - dereitos dos representantes dos traballadores

### Delegados de prevención

- ▶ Información. Os delegados de prevención, ou no seu defecto, os representantes legais dos traballadores serán informados cando se concerte un contrato de prestación de obras o servizos.
- ▶ Consulta. Os delegados de prevención, ou no seu defecto, os representantes legais dos traballadores da empresa titular serán consultados sobre a organización no centro de traballo derivada da concorrencia de outras empresas.
- ▶ Participación. Os delegados de prevención, ou no seu defecto, os representantes legais dos traballadores da empresa titular estarán facultados para:
  - Acompañar aos inspectores de traballo nas visitas e verificacións no centro de traballo e formular as observacións que estimen oportunas.
  - Exercer un labor de vixilancia e control do estado das condicións de traballo derivadas da concorrencia de actividades, realizando visitas ao centro de traballo.
  - Solicitar do seu empresario a adopción de medidas para a coordinación de actividades preventivas, a tal fin poderán efectuar propostas ao comité de seguridade e saúde.
  - Dirixirse á/ás persoas encargadas da coordinación de actividades preventivas para que propoñan a adopción de medidas preventivas.

### Comités de seguridade

- ▶ Poderán realizar reunións conxuntas ou outras medidas de actuación coordinada, inclusive cos delegados de prevención das empresas que carezan de C.S.S.

### Negociación colectiva (disposición adicional segunda)

- ▶ De conformidade co artigo 2.2 Da lei 31/1995 os convenios colectivos poderán incluír disposicións sobre as materias reguladas neste real decreto, en particular en aspectos como a información ós traballadores e os seus representantes sobre a contratación e subcontratación de obras e servizos ou a cooperación dos delegados de prevención na aplicación e fomento das medidas de prevención e protección adoptadas.

